



Գործ թիվ ԵՂ/24819/02/18

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ
ԵՐԵՎԱՆ ՔԱՂԱՔԻ ԸՆԴՀԱՆՈՒՐ ԻՐԱՎԱՍՈՒԹՅԱՆ ԴԱՏԱՐԱՆԻ
ՈՐՈՇՈՒՄԸ
ԳՈՐԾԸ ՊԱՐԶԵՑՎԱԾ ՎԱՐՈՒՅԹԻ ԿԱՐԳՈՎ ՔՆՆԵԼՈՒ ՄԱՍԻՆ

12.02.2019թ.

ք. Երևան

Երևան քաղաքի ընդհանուր իրավասության դատարանի դատավոր Ռ.Վարդազարյանս, ուսումնասիրելով վարույթում գտնվող թիվ ԵՂ/24819/02/18 քաղաքացիական գործի նյութերը,

ՊԱՐԶԵՑԻ

Երևան քաղաքի ընդհանուր իրավասության դատարանի 12.11.2018թ. որոշմամբ «Ինեկորանկ» ՓԲԸ-ի հայցադիմումն ընդդեմ պատասխանողներ Դավիթ Սամվելի Առաքելյանի և Վարժուհի Հարությունի Ռոստոմյանի՝ գումար բռնագանձելու պահանջի մասին, ընդունվել է վարույթ, որի վերաբերյալ որոշումը և համապատասխան փաստաթղթերն ուղարկվել են սույն գործով կողմերին:

Դատարանն արձանագրում է, որ ներկայացվել է նվազագույն աշխատավարձի երկուհազարապատիկը չգերազանցող գումարի բռնագանձման պահանջ:

Պատասխանողներին ուղարկված դատավարական փաստաթղթերը վերադարձվել են դատարան՝ <<չպահանջված>> փոստային մակագրությամբ:

Դատարանը ձեռնարկել է ՀՀ քաղաքացիական դատավարության օրենսգրքի 95-րդ, 99-րդ հոդվածով սահմանված բոլոր միջոցները անհրաժեշտ դատավարական փաստաթղթերը պատասխանողին հանձնելու ուղղությամբ, մասնավորապես դատարանի կողմից գրություն է ուղարկվել պատասխանողի վերջին հայտնի բնակության վայրի վարչական շրջանի ղեկավարին և Հայաստանի Հանրապետության պաշտոնական ինտերնետային կայքում հրապարակային ծանուցում է տեղադրվել առաջին ատյանի դատարանում դատավարական փաստաթղթերի դեպոնացված լինելու վերաբերյալ, որը տեղադրելուց հետո 15-րդ օրը դատավարական փաստաթղթերը համարվում են հանձնված (ստացված):

Դատարանը գտնում է, որ բացակայում է գործը պարզեցված վարույթի կարգով չքննելու հիմքերը, հետևաբար պետք է գործը քննել պարզեցված վարույթի կարգով և նշանակել դատական ակտի հրապարակման ժամանակ և վայր:

Ղեկավարվելով ՀՀ քաղաքացիական դատավարության օրենսգրքի 199-200-րդ, 296-298-րդ և 361-րդ հոդվածներով՝



ՈՐՈՇԵՑԻ

1. Թիվ ԵՂ/24819/02/18 քաղաքացիական գործն ըստ հայցի «Ինեկոբանկ» ՓԲԸ-ի հայցադիմումն ընդդեմ պատասխանողներ Դավիթ Սամվելի Առաքելյանի և Վարժուհի Հարությունի Ռոստոմյանի՝ գումարի բռնագանձման պահանջի մասին, քննել պարզեցված վարույթի կարգով:
2. Դատական ակտը հրապարակել 2019թ. մարտի 22-ին Երևան քաղաքի ընդհանուր իրավասության դատարանում:
3. Որոշումն ուժի մեջ է մտնում կայացման պահից և բողոքարկման ենթակա չէ:

ԴԱՏԱՎՈՐ՝



Ռ. ՎԱՐԴԱԶԱՐՅԱՆ